

CITES-ip ataani Non Detriment Findings

Kalaallit Nunaata imartaani miluumasut 2018



Pinngortitaleriffik

CITES-ip ataani Kalaallit Nunaanni Ilisimatuussutsikkut Oqartussaasoq

CITES-ip ataani uumasogatiit nalunaarsorsimaffianni liste
II-miittunik piujuartitsiniarnermik tunngaveqartumik
avammut niueruteqarsinnaanernik nalilersuinerit, 2018

Aallaqqaasiut

Kalaallit Nunaat CITES-ip (Convention on International Trade in Endangered Species; uumasunit ulorianertorsiortinneqartunit tunisassianik nioqquteqartarnernut nunat tamalaat isumaqatigiissutaat) ataani isumaqatigiissummik aamma "Washington Isumaqatigiissummik" taaneqartartumik atsioqataanikuvoq. Isumaqatigiissut peqqaalluni CITES-ip uumasunit ulorianertorsiortinneqartunit tunisassianik nunat isumaqatigiissummik atsioqataasimasut avammut niueruteqarsinnaanerannik maleruaqqusanik malinnittussaaitaanermik pisussaaffeqarput. Maleruagassat naapertorlugit uumasut pineqartut allattorsimaffiat immikkoortunut pingasunut immikkoortinneqarsimavoq:

CITES naliliivoq uumasogatigiit **Allattorsimaffik 1**-mi nalunaarsorneqarsimasut nungutaanissamik ulorianartorsiortinneqartut, taamaammallu tunisassiat tamakkunanngaanneersut avammut tunisassiareqqusaanatillu avataaniit tikisinneqarsinnaasariaqassanngitsut. Kalaallit Nunaata imartaani miluumasut pineqartut allattorsimaffik 1-mi nalunaarsorneqarsimasunut ilaapput arferit anginerit tamarmik, taamaallaalli Kalaallit Nunaata kitaata imartaaniittartut tigaagulliit ilaanatik.

Allattorsimaffik 2-mi uumasogatigiit nungutaanissamik ulorianartorsiortinneqartuupput taamaammallu alaatsinaaqjissaarneqartariaqarput taakkunanngaanneersunillu nunanut allanut niueruteqartarnerit aqunneqaqqjissaarneqartariaqarput. Taamaattorli taakkunanngaanneersunit tunisassiat avammut tuniniarneqarsinnaapput avataaniillu tikisinneqarsinnaallutik aamma, aatsaat NDF naliliiffigineqarsimasuuppata (Non Detrimental Finding). Naliliinerup qularnaassavaa pineqartunit niueruteqarneq uumasogatigiinnut pineqartunut peqassutsikkut ikiliartuutaanani ingerlanneqarmat. Uumasogatigiinnut Kalaallit Nunaata imartaaniittartunut tunngatillugu Kalaallit Nunaata kitaata imartaaniittartut tigaagulliit, arferit mikinerit tamarmik nannullu nalunaarsorneqarsimapput.

Allattorsimaffik 3-mi uumasogatigiit nungutaanissamik ulorianartorsiortinneqarpallaanngitsut nalunaarsorneqarsimapput, taakkunanngalu niueruteqarsinnaanerit nunani tamalaani pisinnaapput, taamaaliorneq nakkutigineqartumik aatsaat pisinnaappat. Allattorsimaffimmit tassannga uumasogatigiinnit nalunaarsorneqarsimasunit niueruteqarsinnaanerit pisinnaapput NDF naliliiffigineqarsimannngikkaluarlutik, nunattalu imartaaniittartunit assersuutigalugu aaveq allattorsimaffimmi 3-mi nalunaarneqarsimavoq.

CITES-p ataani isumaqatigiissut nunanit 200-nit ikinnerunngitsunit atsioqataaffigineqarsimavoq. Isumaqatigiissummi siunertatuaasoq tassaavoq nunat tamalaat akornanni niueqatigiittarnerit (avammut niueruteqartarnerit), taamaattumillu piniagaaneritut tunngatillugu aqunneqarnerat imatut sammineqarnani.

Nunat ilaasortaasut tamarmik Allaffissornikkut Ilisimatuussutsikkullu nalilersuisartunik oqartussaasoqarput. Kalaallit Nunaanni Allaffissornikkut oqartussaasoq tassaavoq Pinngortitamut Avatangiisinullu Naalakkersuisoqarfik, taavalu Pinngortitaleriffik Ilisimatuussutsikkut nalilersuisartussatut Namminersorlutik Oqartussaniit toqqagaalluni. Taama aalajangiussineq Namminersornerullutik Oqartussat nalunaarutaanni nr. 12, 13. september 2004-meersumi uumasunit naasunillu nujuartanit il. il. avammut nioqquteqartarnerit aammalu avataaniit tikisitsisarnerit nunat tamalaat isumaqatigiissutaata 3. marts 1973-imeersup tunisassianik uumasunit naasunillu il. il. nungutaanissamik ulorianartorsiortunit niueruteqartarnerit (Washingtonkonventionen/CITES) pillugit maleruagassiaannut ilaavoq.

Non Detriment Finding, NDF

Naliliiffigineqartuneersunit tunisassianik avammut niueruteqarsinnaatitaanermik oqartussaasut akuersissuteqannginnerini Non Detriment Finding-inik nalilersuisarnerit ilisimatuussutsikkut akisussaasutut toqqagaasimasumit suliarineqareersimassapput.

Uumasogatigiit Kalaallit Nunaanni pisarineqakkajuttut tunisassianillu avammut niueruteqarsinnaanermut attuumassuteqarsinnaasartut, taamaattumillu NDF naliliiffigineqartariaqartartut tassaapput: nannut, Kalaallit Nunaata kitaata imartaaniittartut tigaagullit, qilalukkat qernertat qaqortallu, niisa, niisarnaq, aarluk aarluarsullu. Pinngortitaleriffik uumasogatigiiaat siuliani taagorneqartut pillugit ukiumoortumik nalilersuisalernikuuvoq. Taakku saniatigut Allaffissornikkut akisussaasut noqqaassuteqarnerat tunngavigalugu aarrit aamma naliliiffigineqartalernikuupput, tassami EU-p ataani allattorsimaffik 2-mi ilannguneqarsimmata. Uumasogatigiit allat pisarineqarpallaarneq ajortut nalilersuinernik tunngaveqartumik aammalu pisariaqartitsineq naapertorlugu naliliiffigineqartarput.

NDF nalilersuinernik ingerlatsinerni Pinngortitaleriffimmeersunit toqqammavigineqartarput maleruagassat CITES-imit innersuussutigineqarsimasut, ilaatigut Conf 16.7 COP17¹-imeersut aammalu CITES Scientific Authorities Checklist doc 11.3² naapertorlugit nalilersuisoqartarluni.

Maleruaqqusat ilaatigut makkuninnga ilaqarput:

- NDF naliliinermi ilisimatuussutsikkut ilisimasat tutsuiginarnerpaat toqqammavigineqassapput
- Ilisimatuussutsikkut tunngaveqartumik NDF nalilersuinermi inernerusut taamaallaat aalajangiiffigisussaavaat naliliiffigineqartumit avammut niueruteqarsinnaanerit uumasunut pineqartunut akornutaassanersut akornusiissannginnerisulluunniit. Matumani aamma ilanngullugu naliliiffigineqartarput uumasunik pineqartunik piniartarnerit piujuartitsiniarnermik tunngaveqartumik ingerlanneqarnerat
- Ilisimatuussutsikkut nalilersuisartut ilanngullugu aaliangersinnaavaat NDF naliliiniarnermi tunngaviginiakkat amigarpallaarnerini naliliisoqanngitsoorsinnaanera, soorlu

¹ <https://cites.org/sites/default/files/document/E-Res-16-07-R17.pdf>

² <https://cites.org/eng/cop/11/info/03.pdf>

uumasogatigiit pineqartut killiffiannut tungatillugu nalornissutigineqartut amerlavallaarpata

- Uumasogatigiit pineqartut siaruarfigisimasaminniiginnarnissaat anguniagaassasoq
- Uumasogatigiit pineqartut piniagaanerisa aqunneqarnerinik, aammalu misissugarineqartarlutik malinnaaffigineqarnerinik tunaartaqartumik aqutseriaatsip naleqqussartuarneqarnissaa anguniarneqassasoq.

NDF nalilersuiniarnermi maleruaqqusat siuliani taakkartorneqartut assingi Canadamisaaq atortinneqarput. Kalaallit Nunaanni Canadamilu aqutseriaatsit isiginiaraanni taakku assigiinngissuteqarput. Canadami aaqqissuussineq imaappoq uumasumit tunisassiarineqarsimasoq kingumullusooq uterluni uumasogatigiinnit sorldernit pisarineqarsimanera nalunaarsueriaatsitigut paasineqarsinnaalluni. Taamaalluni assersuutigalugu Canadami nanoqatigiiaanit aaliangersimasunit NDF naliliisoqarsinnaavoq, uffa nanoqatigiinnit allanit assersuutigalugu Baffin Bugtimitartunik naliliisoqanngikkaluartoq.

Tamakkiisumik nalililineq naggasiinerlu

Kalaallit Nunaata kitaata imartaani tigaagullinniartarnerit Arferit pillugit Nunat tamalaat ataatsimiititaliarsuata naliliinera naapertorlugu ilisimatuussutsikkut siunnersuineq malillugu ingerlanneqartarput, taamaammallu arferit taakku pillugit NDF nalilersuisoqarsinnaalluni.

Qilalukkanik qernertanik qaqortanillu, aarrinik nannunillu akulikitsumik nunanit tamalaani piumasarisat naapertorlugit ilumut piujuartitsiniarnermik tunngaveqartumik piniagaanerat paasiniarlugu nalilersuisoqartarpoq. Tassa ukiumoortumik CITES-imut atatillugu nalilersuineri aamma piniagaanerisa piujuartitsiniarnermik tunngaveqartumik ingerlanneqarnerat paasiniarlugu nalilersuisoqartarpoq. Uumasogatigiiaat 2018-imi NDF naliliiffigineqartut tassaapput qilalukkat qaqortat, aarrit, kisiannili naliliiffigineqanngitsoorput qilalukkat qernertat nannullu. Taamaattoqarneranut qilalukkat qernertaqatigiinnut pingasunut tunngatillugu (Qimusseriarsuarmi, Ittoqqortoormiini Tasiilamilu) pisarineqarsinnaasunik sippuisimanerit aammalu maannaagaallartoq Kalaallit Nunaani Tunumut tunngatillugu nannut pillugit biologit siunnersuinikuunnginnerat peqquataapput.

Arfernut mikinernut allanut amerlanernut tunngatillugu ilisimatuussutsikkut nalilersuisarnerit ingerlaavartumik pineq ajorput, taamaattumillu ilisimatuussutsikkut tunngavissaqartoqanngilaq taakkuninnga NDF naliliisoqassalluni.

Uumasogatigiit piujuartitsiniarnermik tunngaveqartumik piniagaasut amerleriaateqarsimanerat peqquataalluni 2017-imiit 2018-imut NDF naliliiffigineqartut amerleriaateqarlutik

siariaateqarfiupput. Uumasogatigiit pineqartut tassaapput aarrit, nunatsinni aaveqatigiiaat immikkoortut pingasuusut aamma Inglefield Bredningimi qilalukkat qernertaqatigiiaat naliliiffigineqarmata aammalu nannut Kane Basenimiittartut Baffin Bugtimiittartullu.

NDF naliliinerit 2018-imi atortitassat. Qorsuk = NDF naliliiffigineqartoq Aappaluttoq = NDF naliliiffigineqanngitsoq

Nunatta kitaata imartaani tikaagullik	Qilalugaq qernertaq	Qilalugaq qaqorta
Arferit mikinerit allat ³	Aaveq	Nanoq

Tunuliaquttat

Kalaallit Nunaanni piujuartitsiniarnermik tunngaveqartumik ingerlatsisoqarnera paasiniarlugu naliliineq siulleq 2005-imi pivoq. Taamanikkut NDF naliliisoqarsinnaasimangilaq, kisiannili qilalukkanik qernertarniarnerit 2009-mi NDF naliliiffigineqarsimapput. Qilalukkat qaqortat, aarrit nannullu pillugit naliliinerit siulliit pipput 2007-imi, taamani nannut aarillu NDF-ilerneqanngitsoorput qilalukkalli qaqortat NDF-ilerneqarlutik. Aarrit 2011-mi naliliiffigineqarmata NDF-ilerneqanngitsoorput, taavalu 2015-imi qilalukkat qernertat qaqortallu aamma aarrit NDF-iliiffigineqarput nannullu NDF-ilerneqanngitsoorlutik. Qilalukkat qaqortat 2016-imi NDF-ilerneqarput, taamatut aamma Kalaallit Nunaata kitaata imartaaniittartut tigaagullit angusaqarlutik, akerlianik nannut, aarrit, qilalukkat qernertat, niisat, niisarnat, aarluarsuit aarluillu NDF-ilerneqanngitsoorlutik.

Nalilersuisarnerit tamakku 2015 tikillugu suliarineqartarput Kalaallit Nunaanni Namminersorlutik Oqartussat imissuteqartarnerat aallaavigalugu, taakkulu aalaakkaasuunngitsumik nutarterneqartarsimapput. Pinngortitaleriffilli 2016-imiit NDF-imik nalilersuisarnernut tunngatillugu ukiut tamaasa nutarterneqartartussanngorlugit aaqqiissuteqarpoq, taamaaliornikkut pissutsinut piviusunut naleqqussarnerunissaq anguniarneqarluni. Tamatuma saniatigut aamma arfeqatigiiaanut mikinerit sisamanut piniarneqartartunut tunngasut naliliiffigineqartalerput, naak manna tikillugu taakku piujuartitsiniarnermik tunngaveqartumik piniarneqarnerat qulakkeerniarlugu akuttunngitsumik naliliiffigineqartanngikkaluartut. Arferit mikinerit uani pineqartut tassaapput: niisa, niisarnaq, aarluarsuk aamma aarluk. Taakkuninga piniartarnerit aqunneqanngillat, kiisalu pisaasartut amerlassusiannik nalunaarutiginnittarnerit nangaanartortaqlutik. Aamma taakkua kisitsivigineqarneq ajorput kiisalu nunat tamalaat ilisimatuussutsikkut suleqatigiiffiini nalilersuiffigineqartaratik. Taamaattumik kiliffiannut

³ Marsvin, grindehval, hvidnæset delfin og spækhugger

tungassuteqartut nangaassutissartaqartupilussuupput aammalu ilisimatuussutsikkut tunngavissagissaartoqanngimmat NDF naliliiffigineqarsinnaasimanatik.

Siusinnerusukkut naliliisarnitsinni pissutsit assigiinngitsut uumasogatigiiaanit assigiinngitsunit avammut niuerutigineqartarnernut attuumassuteqartut nalilersuiffigisarsimavagut. Qilalukkanit qernertanit, nannunit aavernillu tunisassianik avammut niueruteqartarnerit sunniuteqartarsimasinnaanerit assortorneqarsinnaasorinanngilaq, tassami taakkunanga tunisassiat nunattalu avataanut niuerutaasartut aningaasaqarniarnermut pingaaruteqartuummata. Tassa imaappoq, tamakkiisumik pisat amerlassusiat piujuartitsiniarnermik tunngaveqartumik ilumut pisaasimanerat paaseqqaarlugu aatsaat akuersisoqarsinnaanera naliliiffigineqartarpoq. Qilalukkanit qaqortanit arfernillu mikinernit allaneersunit tunisassiassanik nerineqarsinnaasunik nunatta avataanut niueruteqartarnerit aarleqqutissartaqarsinnaanerit ilimaginngilarput. Taamaattorli uumasogatigiiaanut tamanut tunngatillugu piujuartitsiniarnermik tunngaveqartumik iluaqutigineqarnissaannik nalunaarut naapertorlugu aaliangerpugut uumasogatigiiaat naliliiffigineqartut Kalaallit Nunaanni iluaqutigineqarnerat piujuartitsiniarnermik tunngaveqartumik ingerlanneqartillugu akuersisoqartassasoq. Piujuartitsiniarnermillu tunngaveqartussaataaarnermik pisussaataaneq uumasogatigiiaanut CITES ataani maleruaqqusat naapertorlugit nalilersuiffigineqartartunut tamanut tunngatinneqarpoq, imaalerluni uumasogatigiit naliliiffigineqartut piujuartitsiniarnermik tunngaveqartumik Kalaallit Nunaanni piniagaasimappata taava pineqartut NDF-lerneqarsinnaalersarput, tassa naliliiffigineqarlutik.

Piujuartitsiniarnermik tunngaveqartumik ingerlatsisoqarnera paasiniarlugu misissuinitisinni qinerparput pisaasartut tamakkerlutik amerlassusiat eqqarsaatigalugit ilisimatuussutsikkut siunnersuisarnerit IWC-mit⁴, NAMMCO-mit⁵, JCNB-mit⁶, JCPB-mit⁷, IUCN/PBSG-imillu⁸ innersuutigineqartutuut ilumut amerlassuseqarnersut misissuiffigissallugu. Nalilersuinerni taakkunani uumasut piniarnermi annaasaqaataasartut amerlassusiat ilanngunneqartarput. Kisiannili qilalukkat qaqortat, qilalukkat qernertat aarrillu qassit ukiup ataatsip ingerlanerani annaasaqaataasimanerat pillugit kisitsisinik tutsuiginartunik pigisaqannginnatta annaasassatut naatsorsuutigineqartut siunnersuinerni aallaavigineqartartut atortariaqartarpagut. Naak annaasassatut naatsorsuutigineqartut amerlassusiligaanerit apeqquuserneqarsinnaagaluartoq pingaaruteqarpoq naatsorsuutit taakkorpiaat piniarnernup piujuartitsiniarnermik tunngaveqartumik ilumut ingerlanneqarsimaneranik naliliiniarnermi atorineqartarmata. Annaasarsimasammi amerlassusiat sippulimmik nalilersimagaanni siunissami piujuartitsiniarnermik tunngaveqartumik iluaquteqarsinnaaneq aamma qaffasinaagaasinnaagaasimassammat. Pisaqarsimanermut nalunaarutini aamma ilanngunneqartassapput uumasut pisassiissutigineqarsimasut amerlassusiat sipporlugit pisarineqartut amerlassusiat, soorlu nannut imminut illersorniarluni pisarineqartut

⁴ International Whaling Commission

⁵ North Atlantic Marine Mammal Commission

⁶ Canada - Greenland Joint Commission for Narwhal and Beluga

⁷ Canada – Greenland Joint Commission for Polar Bear

⁸ The Polar Bear Specialist Group under the International Union for the Conservation of Nature

imaluunniit arferit qassutinut napitissimasut toqunneqaannartariaqartartut pineqarpata. Arferit sassani toqunneqartartut naatsorsuutigineqanngillat, pissusissamisoortumik annaasaqaatit naatsorsuunneqartarmata.

Ilisimatuussutsikkut siunnersuinermit piujuartitsiniarnermik tunngaveqartumik piniarnertut isigineqakkajulluni aallaavigineqartarpoq ukiumut agguaqatigiissillugu pisat amerlassuserisinnaasaannik inissiineq (assersuutigalugu ukiunut tallimanoortunngorlugu), taamaalilluni ukiumut pisarineqarsimasut amerlassusiat tassannga nikingavallaartarik. Tamanna aamma ukiumoortumik pisassiissutigineqartut amerlassusiannit nikingavallaarneq ajorpoq. Imaalluni ukiut ilaanni ukiumut pisassiissutigineqartut sipporlugit pisaqartoqarpat, taava sippuissutaasut amerlassusiat ukiuni tulliuuttuni pisassiissutigineqartussanit ilanngaatigineqarsinnaalerlutik aammalu akerlianik pisassiissutigineqartut tamakkerneqarsimannginnerini ukiuni tulliuuttuni pisassat ilaneqarsinnaalerlutik. Taamaattumik toqqarparput ukiuni pingasuni pisarineqartartut piujuartitsiniarnermik tunngaveqartumik pisaasimanerat paasiniarlugu naliliissassalluta. Imaattassalluni, ukiuni pingasuni pisarineqarsimasut NAMMCO-p, JCNB-p, IUCN/PBSG-llu ataannit ilisimatuussutsikkut siunnersuinerit malillugit amerlassuseqakanneraangata (sippornagit) taava piffissami pineqartumi NDF naliliiffigineqartassallutik.

Naggataagut uumasogatigiiaakkuutaartumik NDF naliliisoqartarnissaa erseqqissaatigissavarput, imaassallunilu Nunarput tamakkerlugu pisassiissutigineqarsimasut katillugit amerlassusiisa aatsaat sipporneqannginneranni NDF naliliisoqartassamat. Uumasogatigiiaat Canadalu aveqatigiiffigisavut pineqartillugit Canadameersut pisisartagaat (aamma annaasaqaatigisimasaat eqqarsaatigalugit) aamma ilanngunneqartarput. Uumasogatigiiaanut ataasiakkaanut NDF naliliisoqartassanngilaq, tassami pisarineqartut uumasogatigiiaanit sorlerneernerat imaaliallaannaq ilaatigut paasineqarsinnaasanngilaq aqutsinikkut nalunaarsueriaatsikkut suli takulertorneqarsinnaanngikkallarmat pisisimasap uumasogatigiiaanit sorlerneersuunera aalajangiunneqarsinnaanngippat.

Qilalukkat qernertat

2014-imiit 2015-imut pisassiissutigineqarsinnaasutut innersuussutigineqartut 2012-imi, kiisalu 2016-imoortut 2015-imi NAMMCO/JCNB-miillu siunnersuinerneq toqqammaveqarput. Kalaallit Nunaata kitaanut tunngatillugu maluginiarneqassaaq 2015-imut siunnersuineq pisarineqarsimasunuinnaq tunngatinneqarmat, tassa tassani pisarineqarsimasut kisimik naatsorsuutigineqarmata (ataani tabelimi *-mik nalunaarneqarsimallutik), 2016/2017-imilu siunnersuinerneq aamma Tunumut tunngatillugu siunnersuinerneq annaasaqaataasartut ilanngunneqarsimallutik. Pisanik nalunaarsuutini qilalukkat qernertat qanoq amerlatigisut annaasaqaataasarnertat nalunaaruteqarnerneq ilumut ilanngunneqartarsimanerat ilisimaneqanngilaq, matumanilu naatsorsuutigineqarpoq nalunaaruteqarnerneq ilanngunneqarneq ajortutut. Ilanggullugu maluginiaqqarput Kalaallit Nunaata kitaani qilalukkanik qernertarniartarnernut tunngatillugu siunnersuinerneq sumiiffinni assigiinngitsuni pisassiissutigineqarsinnaasut naatsorsuusiorfigineqarnerneq sumi pisaqartarsimanerat aammalu qilalukkat qernertat Nunatta kitaata Canadallu sineriaanit sumingaanneersuunearat isiginiarlugit suliarineqartarmata. Tassa NDF naliliinerneq Canadami pisarineqarsimasut amerlassusiat isiginiarneqassaaq, ilisimatuussutsikkut siunnersuisarnerni taakku isiginiarneqareertarmata.

Kalaallit Nunaanni qilalukkanut qernertanut tunngatillugu ataatsimut isiginnilluni taakkunanga pisunit NDF naliliisoqarsinnaasimangilaq, tassa Qimusseriarsuarmi, Ittoqqortoormiini Tasiilamilu pisassiissutigineqarsinnaasutut siunnersuinerneq innersuussutigineqarsimasut sipporlugit pisaqartoqarsimanera peqqutaalluni.

Etah	Pisat nalunaarutigineqart.	Pisat nalunaarutigineqan.	7.5 % annaasat	Pisat allat	Tamakk.	Siunnersuineq¹
2014	-	-	-	-	-	Soqanng.
2015	-	-	-	-	-	Soqanng.
2016	0	-	-	0	0	5
Tamakkerl.	0	-	-	-	-	5

¹Etah-mut tunngatillugu qilalukkanut qernertanut siunnersuineq 2016-imi siullermeerluni pivoq

Inglefield Bredning	Pisat nalunaarutigineqart.	Pisat nalunaarutigineqan.	7.5 % annaasat	Pisat allat	Pisat	Siunnersuineq
2014	102	0	8	0	102*	85*
2015	75	0	6	0	75*	85*
2016	81	0	6	0	87	98
Tamakkerl.	258	0	20	0	264	268

Qimusse-riarsuaq	Pisat nalunaarutigineqart.	Pisat nalunaarutigineqan.	15 % annaasat	Pisat allat	Pisat	Siunnersuineq
					Pisat	
2014	113	0	17	0	113*	81*
2015	71	0	11	0	71*	81*
2016	91	0	14	0	105	70
Tamakkerl.	275	0	42	0	289	232

Uummannaq	Pisat nalunaarutigineqart.	Pisat nalunaarutigineqan.	15 % annaasat	Pisat allat	Pisat	Siunnersuineq
					Pisat	
2014	69	0	10	0	69*	85*
2015	42	0	6	0	42*	85*
2016	120	0	18	0	138	154
Tamakkerl.	231	0	34	0	249	324

Qeqertar-suup Tunua	Pisat nalunaarutigineqart.	Pisat nalunaarutigineqan.	15 % annaasat	Pisat allat	Pisat	Siunnersuineq
					Pisat	
2014	50	12	9	0	62*	59*
2015	30	0	5	0	30*	59*
2016	53	0	8	0	64	97
Tamakkerl.	132	12	22	0	156	215

Ittoqqor-toormiit	Pisat nalunaarutigineqart.	Pisat nalunaarutigineqan.	15 % annaasat	Pisat allat	Tamakk.	Siunnersuineq
2014	63	0	9	0	72	70
2015	74	0	11	0	85	70
2016	38	0	6	0	44	50
Tamakkerl.	175	0	26	0	201	190

Tasiilaq	Pisat nalunaarutigineqart.	Pisat nalunaarutigineqan.	15 % annaasat	Pisat allat	Tamakk.	Siunnersuineq
2014	18	0	3	0	21	18
2015	20	0	3	0	23	18
2016	15	0	2	0	17	16
Tamakkerl.	53	0	8	0	61	52

Qilalugaq qaqorta

2015-imi qilalugarni arnermut tunngatillugu pisassiissutigineqarsinnaasutut innersuussutigineqartut NAMMCO/JCNB-llu 2012-imi siunnersuineranneersuuvoq, ukiunullu 2016/17-imoortut 2015-imi suinnersuinermeersuullutik. Kalaallit Nunaata Kitaani pisassiissutigineqarsinnaasutut siunnersuinermi innersuussutigineqartunut annaasaqaataasartutut agguaqatigiissillugu pisat nalunaarutigineqarsimasut 8,5 %-iattut missiliuunneqarsimasoq ilanngunneqartarpoq. Tamannalu Kalaallit Nunaata kitaani ukiuunerani qilalukkanik qernertarni arnernut tunngatinneqarpoq. Tamaamat matumani NDF naliliinermi Canadami pisarineqarsimasut ilanngunneqanngillat. Qaanaami ukiuunerani qilalugarni arnerit eqqarsaatigalugit aalajangiunneqarpoq, taavani pisaasartunik amerlassusiliisimanerit piujuartitsini arnermik tunngaveqartumik pisarineqarsimasutut isigineqassasut.

Pisarineqarsimasutut nalunaarutigineqartut akornanni annaasaqaataasimasut qanoq amerlatiginerat ilisimaneqanngilaq, uanilu aallaaviuvoq ilanngunneqannginnissaat. Kalaallit Nunaanni qilalukkanut qaqortanut tunngatillugu NDF naliliisoqarsinnaasimavoq taakkunannga pisarineqartartut siunnersuinermi innersuussutigineqartunit aammalu annaasaqaataasussatut naatsorsuutigineqartut ilanngullugit ikinnerusarmata.

KN Kita	Pisat nalunaarutigineqart.	Pisat nalunaarutigineqan.	8,5 % annaasat	Pisat allat	Tamakk.	Siunnersuineq
2014	240	0	20	0	260	310
2015	120	0	10	0	130	310
2016	187	0	16	0	203	320
Tamakkerl.	547	0	46	0	593	940

Qaanaaq	Pisat nalunaarutigineqart.	Pisat nalunaarutigineqan.	5 % annaasat	Pisat allat	Tamakk.	Siunnersuineq
2014	31	0	2	0	33	piniarneq ok
2015	7	0	0	0	7	piniarneq ok
2016	16	0	1	0	17	piniarneq ok
Tamakkerl.	54	0	3	0	57	piniarneq ok

Aarrit

Aavernut tunngatillugu piffissami piniarfiusumi 2015-imiit 2017-imut NAMMCO-miit siunnersuineq 2014-imeersoq (2013 Annual Report) toqqammavigneqarpoq; matumani Qaanaaq minillugu, tassami taavani 2016-imi aaffattat 2015-imut siunnersuisimaneq malillugu amerlassusilerneqarsimammata (SC/22/2015). 2014-imi siunnersuineri piniarnermi annaasaqaataasartut ilanngunneqarput, Qaanaamulli 2015-imut siunnersuineri Qaanaaginnarmi aaffattarineqarsimasut toqqammavigneqarput (nalunaarneqarsimasut*).

Pisanik nalunaaruteqartarnermi annaasaqaatigisimasat qanoq annertutigisumik ilanngunneqartarsimanagerat ilisimaneqanngilaq. Kalaallit Nunaanni aaveqatigiiaanut tamanut tunngatillugu NDF-imik naliliineq iluatsippoq, pisarineqarsimasummi naatsorsuutigisamillu annaasaqaataasimasut amerlassusiat kattukkaanni pisassiissutigineqarsinnaasutut innersuussutigineqartunit ikinnerusimammata.

Qaanaaq	Pisat nalunaarutigineqart.	Pisat nalunaarutigineqan.	Canada pisat	15 % annaasat	Pisat allat	Tamakk.	Siunnersuineq
2014	67	0	7	11	0	85	68
2015	74	0	7	12	0	93	93
2016	74	0	-	-	0	74*	85*
Tamakkerl.	215	0	21	35	0	252	246

KN Kitaa	Pisat nalunaarutigineqart.	Pisat nalunaarutigineqan.	Canada pisat	15 % annaasat	Pisat allat	Tamakk.	Siunnersuineq
2014	52	1#	16	10	0	79	89
2015	53	0	16	10	0	79	100
2016	52	1#	16	10	0	79	100
Tamakkerl.	157	2	48	30	0	237	289

KN Tunu	Pisat nalunaarutigineqart.	Pisat nalunaarutigineqan.	11,5 % annaasat	Pisat allat	Tamakk.	Siunnersui- neq
2014	8	3#	1	0	12	20
2015	4	0	0	0	4	20
2016	9	1#	1	0	11	20
Tamakkerl.	21	4	2	0	27	60

*Unioqutitsilluni pisat

Nannut

Kane Basin-imut (KB) Baffin Bugtimullu (BB) 2017-imi nannut pillugit siunnersuinerik suliaqartoqarpoq, kisiannili nanoqatigiiaanut Davis Strædemiittartunut aammalu Tunup imartaaniittartunut tunngatillugu siunnersuisoqanngilaq. Davis Strædemi nannut 2007-imi kisitsivigineqarmata paasineqarpoq nannut tamaaniittartut amerlajaarsuusut aammalu aalaakkaasumik amerlassuseqaannartarunartut. Nanoqatigiit ilaannut tunngatillugu siunnersuinerik suliaqartoqarnikuunngimmat nannunut tunngatillugu NDF naliliisoqanngilaq, naak nanoqatigiiaat pingasut assigiinngitsut Canadalu aveqatigiiffiusut piujuartitsiniarnermik tunngaveqartumik piniagaasinnaanerinut toqqammavissusaq, tassalu naammattumik amerlassuseqarnissaat, ilimagineqaraluartoq. Ajornassanngikkaluarpoq nannunit Kane Basinimiittartunit Baffin Bugtimiittartunillu tunisassiat taavani pisaasimanerinek uppersaatissaqartinneqaraluarpata.

Kane Basin	Pisat nalunaarutigineqart.	Pisat nalunaarutigineqan.	Canada pisat ⁹	? % annaasat	Pisat allat *	Tamakk.	Siunnersuineq
2014	5	0	0	-	0	5	Soqanng.
2015	6	0	0	-	0	6	Soqanng.
2016	4	0	0	-	2	6	Soqanng.
Tamakkerl.	15	0	0	-	2	17	Soqanng.

Baffin Bugt	Pisat nalunaarutigineqart.	Pisat nalunaarutigineqan.	Canada Pisat ⁹	? % annaasat	Pisat allat *	Tamakk.	Siunnersuineq
2014	70	0	67	-	1	138	Soqanng.
2015	72	0	63	-	1	136	Soqanng.
2016	49	0	-	-	1	-	Soqanng.
Tamakkerl.	191	0	-	-	-	-	Soqanng.

Davis Stræde	Pisat nalunaarutigineqart	s	Canada Pisat ^{9,10}	? % annaasat	Pisat allat *	Tamakk	Siunnersuineq
						.	q

⁹ Kisitsisit Canadameersut ukiumi siuliani julimiit tullianut junimut tunngapput. Paasissutissat Nunavut Polar Bear Harvest Reportsimeersuupput: <http://www.gov.nu.ca/environnement/information/wildlife-research-reports>. Paasissutissat 2016-imeersut suli pissarsiarineqarsinnaasimangillat.

¹⁰ Nunavumi Quebecimilu pisat. Paasissutissat Quebecimeersut piniartunit namminneq piumassutsiminnik tunniussaapput aammalu uannga: Ministère des Forêts, de la Faune et des Parcs, saqqummiunneqanngitsoq. Paasissutissat 2016-imeersut suli pissarsiarineqarsinnaasimangillat.

2014	3	0	112	-	0	172	Soqanng.
2015	0	0	82	-	0	167	Soqanng.
2016	3	0	-	-	0	132	Soqanng.
Tamakkerl.	6	0	-	-	0	-	Soqanng.

KN Tunu	Pisat nalunaarutigineqart.	Pisat nalunaarutigineqart.	? % annaasat	Pisat allat*	Tamakk.	Siunnersuineq
2014	65	0	-	1	66	Soqanng.
2015	64	0	-	7	71	Soqanng.
2016	64	0	-	7	71	Soqanng.
Tamakkerl.	193	0	-	15	208	Soqanng.

*Imminut illersortariaqarnermi